

նում ուռճացած Հայ նախարար Պարթեւնե-  
րից մի ընտանիք, արեւելեան սովորութիւն-  
ների համաձայն Հիւրկանիայի եւ Բակ-  
տրիայի հովիւների եւ հողերի վարչութիւնը  
սատրափի պաշտօնը կապալով վերցրած էր  
Աքեմենիդներից եւ այնտեղ շահագործում  
էր ժողովրդին: Ճիշտ Դարեհի եւ Արտաշէս  
Ոքոսի օրով ինչպէս որ կապալով էին տալիս  
վիճակները այս ու այն սատրափին, նոյնը  
կատարուում էր մեր օրերում, մինչեւ  
Իրգ դարի սկիզբները: Ահա այս Պարթեւ-  
Պահլաւները հանդամանքից օգտուեցան,  
Իրանի ժողովրդի եւ իշխանների տրամա-  
դրութիւնը շահագործելով՝ տիրեցին ար-  
քայից-արքայի գահը եւ ընկճեցին Սելեւ-  
կեաններին: Եթէ Դարեհ Վշտասպեանի ժա-  
մանակ մի հայ սատրափ կարողանում է  
ապստամբել, Բաբելոնում թագ ու թագա-  
ւորութիւն հաստատել, պարսկական ինք-  
նակալութեան ուժեղ շրջանում, ի՞նչի դար-  
մանալ, որ Պարթեւ սատրափները կարողա-  
ցել են Սելեւկեաններին դուրս մղել երկրից  
եւ ձեռք բերել արքայից-արքայի գայիսոնը,  
ամբողջ Իրանի կալուածատէր խաների ա-  
ջակցութեամբ: Մանաւանդ որ ամբողջ Հայ-  
աստանի նախարարական տների համակրու-  
թիւնն ու աջակցութիւնն էին վայելում Պար-  
թեւները. այնպէս որ նրանց հետ արինակ-  
ցական, խնամիական կապերով կապուած  
էին: Այս էլ պէտք է նկատի ունենալ, որ  
Իրանի եւ Հայաստանի իշխանական տները